




Na našoj web stranici koristimo kolačiće kako bismo vam pružili najrelevantnije iskustvo pamteći vaše postavke i ponovljene posjete. Klikom na „Prihvaćam” pristajete na upotrebu SVIH kolačića.


Postavke kolačića

PRIHVATI



Hapšenje (ilustracija) - MUP TK/Foto Blicko

U opsežnoj akciji MUP-a TK uhapšene tri osobe, među kojima bjegunac E.D. iz Živinica



17 ožujka, 2025 10:55 am



Policijski službenici Uprave policije MUP TK-a, su prema ranije sačinjenom Operativnom planu, nakon kontinuirane višemjesečne istrage na području Živinica, Tuzle i Lukavca, u kojoj je preduzeto niz operativnih i istražnih radnji, a postupajući u skladu sa raspisanim potragama (od čega dvije centralne potrage nadležnih sudova zbog počinjenih krivičnih djela iz člana 179. stav 2. Krivičnog zakona Federacije BiH – Protivpravno lišenje slobode i člana 362. stav 2. u vezi sa članom 31. Krivičnog zakona Federacije BiH – Nasilničko ponašanje, te dvije operativne potrage Uprave policije MUP TK-a i OKP PU Tuzla raspisane po članu 238. stav 2. Krivičnog zakona Federacije BiH – Neovlaštena proizvodnja i stavljanje u promet opojnih droga i članu 172. Krivičnog zakona Federacije BiH – Teška tjelesna povreda), locirali, a zatim i dana 16.03.2025. godine u Lukavcu, oduzeli slobodu licu E.D. rođen 1995.godine iz Živinica, protiv kojeg su i raspisane potrage zbog sumnji u počinjenje više gore navedenih krivičnih djela.



S tim u vezi, u saradnji sa Kantonalnim tužilaštvom Tuzlanskog kantona, postupajući po Naredbi za pretresanje Općinskog suda u Lukavcu, dana 16.03.2025.godine, policijski službenici Sektora kriminalističke policije – Odsjeka za borbu protiv zloupotrebe opojnih droga, Jednice policije za specijalnu podršku i Odjeljenja kriminalističke policije Policijske uprave Lukavac, su izvršili pretresanje na dvije lokacije na području grada Lukavac, stana i drugih prostorija koje je koristio osumnjičeni E.D., kao i prostorija u kojima je boravio A.S. rođen 1986 iz Lukavca (pomaagač E.D.).





Prilikom pretresanja, pronađeni su predmeti koji se dovode u vezu sa počinjenjem krivičnih djela: 2 ručne bombe, 2 pakovanja eksploziva, 5 elektronskih detonatorskih kapisli sa provodnicima, 2 okvira automatske puške, lični dokument za koji postoje indicije da se radi o krivotvorenoj ispravi, veća količina materija koje asociraju na opojnu drogu i to: 22 pakovanja sa sadržajem bijele materije koja svojim izgledom asocira na opojnu drogu, 11 pakovanja sa sadržajem biljne materije koja svojim izgledom asocira na opojnu drogu, tri digitalne vage, mobilni telefoni, uređaj za pohranu video zapisa nadzornih kamera, kao i drugi predmeti koji se dovode u vezu sa zloupotrebom opojnih droga i nedozvoljenim držanjem oružja i municije.



Tom prilikom, u stanu koji je koristio E.D. pronađeno je još jedno lice koje se dovodi u vezi sa pomaganjem i to N.K. rođen 1985. godine iz Zavidovića, dok je prilikom pretresanja prostorija korisnika A.S., koji se sumnjiči za počinjenje krivičnog djela iz člana 238. Krivičnog zakona Federacije BiH – Neovlaštena proizvodnja i stavljanje u promet opojnih droga pronađeno lice J.A., rođen 1999. godine iz Lukavca koje se dovodi u vezu sa počinjem krivičnog djela iz člana 239. Krivičnog zakona F BiH – Posjedovanje i omogućavanje uživanja opojnih droga.

Pored E.D., koji će u skladu sa raspisanim centralnim potragama biti predat Sudskoj policiji (zbog ranije određene mjere pritvora), po nalogu postupajućeg tužioca Kantonalnog tužilaštva Tuzlanskog kantona, oduzeta je sloboda i licima A.S. i N.K., koji će nakon kriminalističke obrade uz Izvještaj sa dokazima, u skladu sa Zakonom o krivičnom postupku Federacije BiH biti predati Tužilaštvu TK-a na dalje nadležno postupanje, dok će protiv lica J.A. Tužilaštvu biti podnesen Izvještaj u redovnoj proceduri.



POSLEDNJE NOVOSTI

Povećanje podrške poljoprivredi u TK – Realizovano više od 41 mili...

18/03/2025

Bugojno: Henczel Bernadett prihvatila islam i uzela ime Safija

18/03/2025

Fikret Bačić iz Tuzle dobio napradu

Na UKC-u Tuzla u protekla 24 sata pruženo 8357 usluga


18/03/2025

Oglasio se Košarac: “Opozicija iz RS je filijala Sarajeva”

18/03/2025

Free Market Road Show – Razgovori o slobodi, znanju i...

18/03/2025



Pretplatite se na BH-Reporter

Pretplata



NOVOSTI

Izbori
Vijesti
Crna hronika
Sport
Tuzlanski kanton

MAGAZIN

Tehnologija
Ekologija
Crna hronika
Zanimljivosti
Lifestyle

SERVISI

Kontakt
Marketing
Poslovna saradnja
Uslovi korištenja
Politika kolačića

Pretplatite se na BH-Reporter

Upišite vaš e-mail

Pretplata